



UNIVERSITÄTS-
BIBLIOTHEK
PADERBORN

Universitätsbibliothek Paderborn

Antonii Avgvstini Archiepiscopi Tarraconensis Dialogorum Libri Duo de emendatione Gratiani

Agustín, Antonio

Parisiis, 1672

De Antonio Avgvstino Antonij Augustini patre.

urn:nbn:de:hbz:466:1-10634

que magnos viros sæpius errasse facilè ostendant. His igitur, qui nihil ignorant, nihil scribendum esse censimus; quando ad eos qui vitam Epicureorum deorum in terris degunt, nulla beatitatis accessio fiet. medicis hos tantum committendos esse putamus. Studiosorum verò, hoc est, eorum qui discendi cupiditate tenentur, duplex etiam genus est, juris præfertim civilis. qua de re nunc agitur. Alteri enim nocere existimant linguarum peritiam, antiquitatis cognitionem, differendi aut dicendi artem, & ceteras disciplinas: quibus tamen veteres Iurisperitos exornatos fuisse negare non possunt. Alteri his omnibus libenter operam dant, & ceterorum ignaviam, quam etiam stupiditatem appellant, vehementer irident. Utrosque admonendos esse potius quam irritandos semper censui. Peccare enim quosdam ex utroque genere hominum video, dum præter modum aut hi suavitatem dictionis atque ornamentorum capti, minùs in hanc ipsam disciplinam incumbunt; aut illi nec sententijs sibi ipsis constant, in utrisque hærent, artis docendi rudes atque imperiti. Vtrisque Iuliani Antecessoris Novellarum librum proferimus, ut imitentur &c.

DE ANTONIO AVGVSTINO
Antonij Augustini patre.

Ex libro v. historiarum de rebus gestis Francisci Ximenij Cardinalis, auctore Alvaro Gometio Toletano. qui libri sunt penes me auctiores.

ANtonius Augustinus regnorum Aragoniæ Pro-Cancellarius, Reip. malè gestæ insimulatus, in Septimancam arcem gravi custodia servandus missus est.

Quibus hæc addenda sunt, ut auctor adjicienda curavit. Sed hic anno insequenti, regni summam Francisco

Ximeno Cardinale moderante, vadibus datis, custodia abiit. Antonius tamen honori suo consulens, de Ximenij voluntate, qui primo quoque tempore, postquam Rempub. gerendam suscepit, Antonij causam terminandam curaverat, ad Belgas concessit, Caroli quinti cognitionem imploraturus. Totius litis bene instructus index, & anteaetæ vitæ testimonium sigillo regio obsignatum à Ximeno & supremi ordinis iudicibus, ad Carolum mittitur ! Causa I. Salvagio Cancellariæ præfecto, Garsia Padilla viro optimo & integerrimo, Commendatorio Calatravensi, Maximo Montelto regenti, & Lodoico fisci advocato, viris prudentibus & juris utriusque apprime consultis, iterum inspicienda traditur. Qui accuratè litem retractantes, rursusque Antonio facultatem concedentes alia in sui patrocinium allegandi, cum nihil ille amplius adjiceret, prima scilicet, quæ apud Hispaniam facta fuit, defensione contentus, viri optimi innocentia perspecta, omnium iudicum calculis absolutus, Bruxellis in totius aulæ Palatinæ conspectu, sententia dignitatis & honorificentia plena secundum ipsum pronuntiatur anno Dom. MD. IO. XVI. A. D. IX. KAL. OCTOB. Quod pergratum Ximeno accidit & ceteris supremi ordinis iudicibus, qui Antonij Augustini integritatem & præstantiam multis jam olim experimentis noverant.

